

РУХАНИ ЖАҢҒЫРУ — ЕРТЕҢІМІЗДІҢ КЕПІЛІ

«Болашаққа бағдар: рухани жаңғыру» бағдарламалық мақаласы — ел дамуының жарқын үлгісі мен нақты қадамдарын көрсететін келелі ой, салиқалы пікір, батыл шешімдерге құрылған маңызды құжат. Бұл мақалада сананы жаңғырту, ұлттық болмыстан, ұлттық кодтан айырылып қалмай, оны әлемдік құндылықтармен үйлестіріп, Қазақстанның игілігіне жарату жолындағы мақсат-мүдделер туралы өзекті мәселе көтерілген.

Тұңғыш Президент Н.Назарбаев онда Қазақстан үшін қайта түлеудің айрықша маңызды екі үдерісі — саяси реформа мен экономикалық жаңғыруды қолға ала отырып, біртұтас ұлт қалыптастыру үшін болашаққа бастайтын қадам мен бұқаралық сананы өзгертуді болжайтын көзқарастарымен бөлісті. Ұлттың жаңа тарихи кезеңдегі негізгі мақсаты белгіленді.

Нарықтық экономикадағы интенсивті бәсеке жағдайында сапалы қызмет көрсету — кәсіпорынның басты міндеті. Яғни, жоғары сапалы қызмет көрсету деңгейіне жетіп, тұтынушыларға экскурсиялық қызметтер көрсету жүйесін ұйымдастыру болып табылады.

Этнографиялық экскурсия — туризмнің бір бөлігі. Этнографиялық экскурсияның міндеті — әрбір этнографиялық объектіні көрсете отырып, қазақ халқының тарихын таныстыру. Этнографиялық экскурсияның мазмұны бойынша этнопедагогикалық деректі материалдарды жинақтау, іріктеу, этнографиялық экскурсияның әр кезеңі бойынша мәтінді дайындау, көрнекі құралдар мен этнографиялық экскурсиялық объектілердің паспортын жасау өте күрделі үрдіс.

Этнографиялық экскурсияның бастауын «қазақ» деген сөзге түсініктеме бере отырып, елдің болмысы мен құрылу тарихына тоқталу маңызды. Оған қажетті

материалдарды тарихи музейлерден алып, қазақ елінің өмір салты мен айналысқан кәсібіне көз жіберуге болады. Сондай-ақ, этнографиялық экскурсия портфеліне «әз-Наурыз», «Қазақ халқының шежіресі», «Қазақ халқының салт-дәстүрі», «Қазақ халқының әдет-ғұрыптары», «Қазақи дәстүрлі баспана», «Қазақтың ұлттық дастарханы», «Қазақ халқының ұлттық қолөнер туындылары», «Қазақтың киіз үйі және оның мүліктері» тақырыптары бойынша мағлұмат жинақтанған абзал. Мәселен, «Қазақ халқының киім кию дәстүрі» тақырыбына тоқталғанда ата-бабаларымыздың жас ерекшелігіне, жынысына, түрлі жағдайларға байланысты (қыз бен жігіттің кездесуі, қыз ұзату, тұсаукесер т.с.с.) киім кию дәстүрлерін таныстырған дұрыс. Шетелден, алыс-жақын мемлекеттерден келген туристерге түсінікті болу үшін этнографиялық экскурсияларды ұлттық мейрамдар кезінде ұйымдастырған өте қолайлы.

**А.ЕСЕНОВА,
М.Әуезов атындағы ОҚУ
"Халықаралық туризм және
сервис" кафедрасының
менгерушісі, э.ғ.к, доцент,**

**К.АРАПОВА,
магистр, аға оқытушы,**

**Д.ҚАБЛАНБЕК,
магистр, оқытушы**